

P I O S

Piæ, sed prohdolor! infelicis Puerperæ

CINERES

F E M I N Æ

tam mira Virtutum suavitate, quam avita morum  
comitate gratiaque inquilina

*Nobilissima, Florentissima,*

CONSTANTIÆ  
MAGDALENÆ  
SCHWERDTMANNIÆ

NAT: PICCARTINÆ

V I R I

*Magnifici ac Generosi*

D O M I N I

C A S I M I R I

LEONIS

DE SCHWERDTMANN

Inclutæ Reipubl. Thorun. Consulis Iudicii Terrestris Cul-  
menis Assessoris dignissimi, nec non p. t. Burggra-  
bii Regii gravissimi

*Coniugis ante in vita hac dulcissima, iam in altera Incola nova felicissima*

¶ Anno 1729. d. 28. Ianuar. hora noctis

quæ

ante Mensẽm peperit

media

ex hac tenebrosa miseriarum valle ad lucidissimos Sanctæ Sionis  
montes in ipso ætatis florẽ translata  
seqv. vero 3. Febr. ritu Chistiano in Æde Divi Iohannis honorifice tumulo illata  
*justa ex debito observantia lacruma comitari voluit*

DOMUS SCHWERDTMANNIANÆ

Cultor perpetuus & indefessus.

T H O R U N I

Impressit Ioh. Nicolai NOBIL, SENAT. & GYNN, Typographus.

C295



## ΘΡΗΝΩΔΙΑ.



Ira res sane nimium superbus  
Spiritus, nec non hominis caduci  
Gloria vana cito transeunte  
pectus adustum.  
Quo refert vere pluvialis undæ  
Turgidam bullam, speciemve vitri  
Splendidi nec non fragilis, quod ipsum  
nemo negabit.

Ambo quæ puncto, citiusve forsan  
Temporis parvo fieri, sed ambo  
Postmodum rursus citius perire  
sæpe videmus.

Mira res sane, quod & altiora  
Sæpius tentet ratione cæca,  
Haut suas vires satis, ut decorum,  
experiundo.

Aureos illud sibi pollicetur  
Indies montes, *Rationis*, eheu!  
More vesano minime probanda  
*Entia* fingens.

Editas arces sibi dum cavaque  
Mœnibus circum latus omne cinctas  
Scilicet turres validis in alto  
aëre ponit.

Firma molitur nimis occupatum  
Rebus infirmis, stabilesque fines,  
Stare dum perse nequit, en, inani  
cogitat arte.

Summa scrutatur, licet ima quæquæ  
Mente vix apta penetret, laborans  
Hoc modo tandem tetigisse summum  
vertice cœlum.

Et licet nulli sua tuta constet  
Portio vitæ, licet & prematur  
Hic novo semper dolor, heu! dolore,  
pœnaque pœna:

Indies

Indies nec non mala subsequantur,  
Luctus & luctum comitetur usque  
Anxior longe, tamen hæcce curat  
  asse minora.

Vana sectatur, neque vana dici  
Illa vult, multo quia stant labore;  
Atque sic vanis magis usque gaudet,  
  vanaque poscit.

Immemor, quod nil, nisi fumus, imo  
Umbra, si verum liceat fateri,  
Vana fit saltem, mora quam sat arcta  
  temporis aufert.

Hinc fidem vanæ fragilique forti  
Insolens tantam genus hocce præstat,  
Ac ut incautum, subito, futuri,  
  tollitur ævo.

Huncce dum præcox Libitina secum  
Ducit ex amplo numero Potentum;  
Alterum, turba saliente, tristi  
  evocat ore.

Hunc dapes inter Siculas repente,  
Massicos inter calices sed illum,  
Inter at spurcos Veneris furores  
  enecat istum.

Inter umbones rabidi phalangum  
Martis æratos cecidisse multos,  
Quis negat? multos cerealis inter  
  messis aristas.

Martium quosdam latus, heu! minaci  
Ense dum cingunt, periisse constat,  
Constat at quosdam, sua quando lassâ  
  arma reponunt.

Sæva non paucos laniat ferarum  
Ira, sed plures jugulat cruenta  
Sæpe spem citra nimium ferocis  
  dextra latronis.

Sorbet hos partim pelagus profundum,  
Terra sed partim tegit hos lutosa:  
Vel dies multus, vel & alta nox sit,  
  funera cernes.

Interim nulli necis hæc parata  
Appropinquantis sibi tela censent:  
Vix fidem certam tibi met daturus  
  unus & alter.

Craftini saltem memores diei  
Craftinum TVNC, ah! In agone sperant;  
Craftino sed sic redeunte nunquam,  
  decipiuntur.

Ergo felices modo, qui loco TVNC  
NVNC sacrum Divi Simeonis ILLVD  
Eligunt, certi, sibi quodque tempus  
  esse supremum.

Hisce sed fati nimium dolendis  
Vterum gestans benedictione  
NVMINIS sexus muliebris, eheu!  
  proximus adstat.

Alterum

Alterum cymba rigidi Charontis  
Dum pedem jam jam tenet, altero sed  
Vix adhuc terram titubante matrem  
hanc premit almam;

Inter hos autem numeranda præsens  
Non minus felix obitu BEATA,  
Vana quæ mundi lubricæque vitæ  
respuit usque.

Dum Redemptorem Dominumque IESVM  
NVNC salutarem sibimet per ævum  
TVNC fide vera studuit tenere,  
NVNCque videre.

Interim vero studium laborque  
Tantus haut multa fuit absque fruge,  
Digna dum merces animam secuta,  
regna piorum,

Gestiens ad quæ veluti fidelis  
Serva per partus penetrans dolores  
Ultimo venit PATRIS ad SUPREMI  
velle benignum.

In quibus sancta fruitur quiete,  
Cœlicam vere sine fine vitam  
Cœlicæ ducens Simeonis inter  
gaudia pacis.

Ergo nil præter pia vota nobis  
Quotquot hoc mœstum lacrymis acerbis  
Plangimus funus, memori notanda  
pectore restant,

Quæ simul TV VIR, GENEROSE CONSVL,  
REGIS AVGVSTI brachio potente,  
NOBILIS, iusto, placide MARITÆ es  
more daturus

Onimis faustam, nimis & beatam  
TE, DEUS quam sic super astra ponit,  
Quamque sub finem TRIAS IPSA vitæ  
sic beat ALMA;

## EPITAPHIUM.

**D**Um *pario, pereor?* sed dum tibi *pario*, **CHRISTE,**  
Non *pereo*, quoniam *vita parata* mihi.  
Interea tristis mihi qui fuit, at Tibi dulcis  
Partus, **TE** recreet, **PARS MEA**, vive! vale!

